

# ՀՀ ՊՆ «ԹԵԺ ԳԻԾ»-ի 2024 ԹՎԱԿԱՆԻ 1-ԻՆ ԿԻՍԱՄՅԱԿԻ ՀԱՇՎԵՏՎՈՒԹՅՈՒՆ




Երևան

2024թ.

## ՍՏԱՑՎԱԾ ԶԱՆԳԵՐԻ ՎԵՐԱԲԵՐՅԱԼ ՔԱՆԱԿԱԿԱՆ ՏՎՅԱԼՆԵՐ

Գծապատկեր 1. 2024 թվականի 1-ին կիսամյակի ընթացքում՝ աշխատանքային ժամերին ՀՀ ՊՆ «Թեժ գիծ»-ով ստացված զանգերի քանակը




2024 թվականի 1-ին կիսամյակի ընթացքում՝ աշխատանքային ժամերին ընդհանուր առմամբ ստացվել է 11948 զանգ /օրական՝ միջինը 80 զանգ/, որից կատասխանվել է 10545-ին՝ ստացված զանգերի 88%-ին /օրական միջինը 70 զանգ/:

ՀՀ ՊՆ «Թեժ գիծ»-ի մշտական հասանելիությունն ապահովելու նպատակով վարվում է նաև ոչ աշխատանքային օրերին և ժամերին ստացված զանգերի վերաբերյալ վիճակագրություն<sup>1</sup>:


<sup>1</sup> Ոչ աշխատանքային օրերի և ժամերի համար համակարգն ունի հաղորդագրություն թողնելու հնարավորություն: Ստացված հաղորդագրություններն աշխատանքային ժամերի ընթացքում ստուգվում են օպերատորների կողմից, սակայն քաղաքացիները ոչ միշտ են օգտվում հաղորդագրություն թողնելու հնարավորությունից:

Գծապատկեր 2. 2024 թվականի 1-ին կիսամյակի ընթացքում ՀՀ ՊՆ «Թեժ գիծ»-ով ոչ աշխատանքային օրերին և ժամերին ստացված և բաց թողնված զանգերի, ինչպես նաև հաղորդագրություն թողած զանգերի քանակը:



2024 թվականի 1-ին կիսամյակի ընթացքում՝ ոչ աշխատանքային օրերին և ժամերին «Թեժ գիծ»-ով ստացվել է 1403 զանգ, և 100-ը՝ ձայնային հաղորդագրություն: ՊՆ մարդու իրավունքների և բարեվարքության կազմակերպման կենտրոնի աշխատակիցները հետադարձ կապ են հաստատել ձայնային հաղորդագրություններ թողած քաղաքացիների հետ՝ խնդիրը պարզելու և լուծում տալու նպատակով:

### Գծապատկեր 3. Մուտքային և ելքային զանգերի վերաբերյալ վիճակագրություն



2024 թվականի 1-ին կիսամյակի ընթացքում ստացված զանգերի վերաբերյալ միջին վիճակագրական տվյալները հետևյալն են՝

- Զանգի միջին տևողությունը՝ 00:01:23:
- Զանգի առավելագույն տևողությունը՝ 00:40:45:
- Օպերատորներին միանալու համար սպասման մեջ գտնվելու միջին տևողությունը՝ 00:01:58:
- Օպերատորներին միանալու համար սպասման մեջ գտնվելու առավելագույն տևողությունը՝ 00:06:05:
- Բաց թողնված զանգերի քանակն արտահայտված տոկոսներով՝ 14%<sup>2</sup>:


#### **Ստացված զանգերի բովանդակային դասակարգում**

«Թեժ գիծ»-ի օպերատորները զանգը ստանալուց անմիջապես հետո այն դասակարգում են ըստ հարցի/խնդրի տեսակի: Ստացված զանգերի բովանդակության վերաբերյալ գծապատկերը ներկայացված է ստորև<sup>3</sup>:

<sup>2</sup> «Չպատասխանված զանգեր» եզրույթը վերաբերում է այն կատեգորիային, որոնց օպերատորներն այդ պահին չեն պատասխանել համակարգի ծանրաբեռնվածության պատճառով (բոլոր օպերատորները կապի մեջ են եղել):

<sup>3</sup> Տվյալները վերլուծելիս պետք է նշել, որ գրանցված և ստացված զանգերի թվերն անհավասար են: Սա հիմնականում պայմանավորված է այն հանգամանքով, որ քաղաքացիները միևնույն հարցով մի քանի անգամ են զանգահարում ՀՀ ՊՆ «Թեժ գիծ»:

**Գծապատկեր 3. Ստացված զանգերի դասակարգումը՝ ըստ բովանդակության**



2024 թվականի 1-ին կիսամյակի ընթացքում ստացված **խնդրահարույց զանգերի մեծամասնությունը** վերաբերել է 2023թ. Արցախում տեղի ունեցած


դեպքերին և տեղահանված պայմանագրային զինծառայողների կողմից ներկայացված հարցերին, մասնավորապես՝

- Արցախից տեղահանված զինհաշմանդամների թոշակների տրամադրման, զոհված ԱՀ զինծառայողների ընտանիքներին ֆինանսական աջակցության վերաբերյալ,
- Արցախից տեղահանված զինծառայողների (անձանց) փաստաթղթերի /անձնական գործ, զինգրքույկ, վկայական/ վերականգնման վերաբերյալ,
- ԱՀ զորակոչային տարիքի քաղաքացիների՝ պարտադիր ժամկետային զինծառայության զորակոչման վերաբերյալ,
- Պահեստագործում հաշվառված զինծառայողների չօգտագործված արձակուրդների և ոչ աշխատանքային օրերին ծառայության ներգրավելու դիմաց փոխհատուցման ժամկետների վերաբերյալ հարցեր:

## Ստացված զանգերի դասակարգումը՝ ըստ ենթադասակների


### Անվճար բուժօգնության հարցեր՝ 221 զանգ

- Անվճար բուժօգնության տեսակները և ծածկույթը՝ 150 զանգ, 68%
- Ուղեգիր վերցնելու կարգը՝ 71 զանգ, 32%




### Չորակոչին վերաբերող հարցեր՝ 362 զանգ

- Չորակոչի վերաբերյալ տեղեկատվական հարցեր՝ 165 զանգ
- «Պատիվ Ունեմ» ծրագրի վերաբերյալ՝ 86 զանգ
- «Հայ Թեք» ծրագրի վերաբերյալ՝ 33 զանգ
- Չորակոչից խուսափելու վերաբերյալ՝ 1 զանգ
- ԿԲՀ-ի կողմից կայացրած որոշումների բողոքարկման ընթացակարգերի վերաբերյալ՝ 72 զանգ
- Կանանց գորակոչի վերաբերյալ հարցեր՝ 1 զանգ
- Ուղեգիր չտրամադրելու վերաբերյալ հարցեր՝ 1 զանգ
- Վիճակահանության վերաբերյալ հարցեր՝ 3 զանգ




Հաշվետու տարվա ընթացքում զորակոչի վերաբերյալ ստացված զանգերը հիմնականում եղել են տեղեկատվական բնույթի: Զանգերի մեծամասնությունը վերաբերել են ԿԲՀ-ի կայացրած որոշումների բողոքարկման ընթացակարգերին և «Պատիվ ունեմ» ծրագրին:





2024թ. 1-ին կիսամյակի ընթացքում ՊՆ «Թեժ գիծ»-ով պարտադիր ժամկետային զինճառայողների ժամկետից ուշ արձակման վերաբերյալ ստացվել է 14 զանգ, իսկ մարտական հերթափոխը սահմանված ժամկետներում չկազմակերպելու վերաբերյալ՝ 11 զանգ: Սակայն աշխատանքային կարգով պարզվել է, որ ուշ զորացրման և մարտական հերթափոխի խնդիրները կապված են եղել եղանակային անբարենպաստ պայմանների հետ:




2024 թվականի 1-ին կիսամյակի ընթացքում ՊՆ «Թեժ գիծ»-ով ոչ կանոնադրային հարաբերությունների վերաբերյալ ստացված զանգերի թիվը նախորդ տարվա համեմատ զգալի նվազել է՝ կազմելով 4 զանգ: Յուրաքանչյուր դեպքի վերաբերյալ ճշգրտումներ են կատարվել, ինչպես աշխատանքային կարգով, այնպես էլ համապատասխան գրություններով:

Գրանցված զանգերը եղել են հետևյալ բնույթի՝

- 1 ֆիզիկական բռնության դեպք, որը չի հիմնավորվել,
- 1 շահագործման դեպք, որի հիման վրա քրեական վարույթ է նախաձեռնվել:

## Գանգատներ` 28 զանգ




2024 թվականի 1-ին կիսամյակի ընթացքում ՊՆ «Թեժ գիծ»-ով ստացվել է շուրջ 28 գանգատ: Յուրաքանչյուր դեպք առանձին քննության է ենթարկվել, ըստ անհրաժեշտության գրություններ են ուղարկվել պատասխանատու ստորաբաժանումներ:

Գանգատների մեծ մասը` 22 զանգ, վերաբերվել է զորամասերում առկա խնդիրներին`


- զորամասերում մարտական հերթապահության սահմանված ժամկետներում հերթափոխ չիրականացնելու և ուշ զորացրման վերաբերյալ,
- զինվորական հոսպիտալներից ու Չ և ՉՅԾ տարածքային ստորաբաժանումների վերաբերյալ գրանցված բողոքները հիմնականում կապված են եղել աշխատակիցների կողմից քաղաքացիների նկատմամբ դրսևորած ոչ պատշաճ վերաբերմունքի հետ: Յուրաքանչյուր դեպքի վերաբերյալ տեղեկացվել է` ըստ համապատասխան ստորաբաժանումների: Արդյունքում, խնդիրներին տրվել են լուծումներ:

## Կադրային հարցեր՝ 676 զանգ

■ Կադրային հարցեր՝ 676 զանգ




2024 թվականի 1-ին կիսամյակի ընթացքում ստացված կադրային հարցերի մեծ մասը վերաբերել են «Պաշտպան հայրենյաց» ծրագրով պայմանագրային ծառայության անցնելու համար ներկայացված զեկուցագրերի ընթացքավորմանը, զինվորական պայմանագրային ծառայության և ծառայության վերականգնման ընթացակարգերին, պայմանագրի ժամկետը չերկարացնելուն:



2024 թվականի 1-ին կիսամյակի ընթացքում զանգեր են ստացվել ՀՀ կառավարության հուլիսի 20 N 1219-Ն որոշման համաձայն` զինծառայողներին բնակարանային վարձի փոխհատուցման և օգոստոսի 22 N 1091-Ն որոշման համաձայն` հիփոթեքային ծրագրով բնակարանի ձեռք բերման ընթացակարգերի վերաբերյալ:


**Երկարամյա ծառայության կամ հաշմանդամության զինվորական կենսաթոշակ ստանալու վերաբերյալ հարցեր՝ 109 զանգ**

- Կենսաթոշակի նշանակման կարգի վերաբերյալ՝ 77 զանգ, 71%
- Կենսաթոշակի չափի հաշվարկի վերաբերյալ՝ 10 զանգ, 9%
- Կենսաթոշակի վճարման ուշացման խնդրի վերաբերյալ՝ 22 զանգ, 20%



Երկարամյա ծառայության կամ հաշմանդամության զինվորական կենսաթոշակ ստանալու կարգի վերաբերյալ ստացված զանգերը հիմնականում վերաբերել են ԱՀ-ից տեղափոխված զինծառայողների երկարամյա ծառայության և հաշմանդամության զինվորական կենսաթոշակի վերականգնման հարցերին:

**Գծապատկեր 4 . ՄԻԲԿԿ-ի միջոցով լուծում ստացած հարցերը, %**



2024թ. 1-ին կիսամյակի ընթացքում գրանցված խնդրահարույց հարցերի 75%-ը անմիջական լուծում է ստացել ՄԻԲԿԿ-ի միջոցով, իսկ մնացածն աշխատանքային կարգով փոխանցվել է համապատասխան ստորաբաժանումների:

2024թ. 1-ին կիսամյակի ընթացքում ՊՆ «Թեժ գիծ»-ով ստացված տեղեկատվական զանգերի մեծամասնությունը վերաբերել է վարժական հավաքների կազմակերպման ընթացակարգերին, տրամադրվող դրամական ապահովման գումարների չափերին և ժամկետներին, պարտադիր ժամկետային զինվորական ծառայության ամառային զորակոչին:

Հաշվետու տարվա 1-ին կիսամյակի ընթացքում բազմաթիվ զանգեր են ստացվել նաև պահեստազորում հաշվառված զինձառայողների կողմից չօգտագործված արձակուրդների, ոչ աշխատանքային օրերին ծառայության ներգրավվելու դիմաց փոխհատուցման ժամկետների վերաբերյալ: